

Gōa-kok ê Gōeh-niû Kám-ū-iáⁿ Khah Îⁿ?

Ang Liōng-kiàn

Lâng lóng teh kóng Gōa-kok ê gōeh-niû khah súi koh khah îⁿ. Chit-kù ëe tī góa sè-hàn ê sî, sî-siông thiaⁿ-tióh sin-piⁿ ê tōa-lâng lóng án-ne teh kóng, him-siān tī gōa-kok ê seng-óah, gōa-kok ê mih-kiāⁿ. Góa mā sī kāng-khóan siū-tióh chit-chióng chōng-iûⁿ ê sim-lí, tī sè-hàn sî tióh chhim-chhim ìn tī góa ê náu-hái lāi.

Tī góa tōa-hàn í-āu, chit-chióng ê siūⁿ-hoat iáu-koh it-tít tī góa ê náu-hái lāi, bô hoat-tō kā pàng bē-kì, sî-siông teh siūⁿ, iōng siáⁿ-mih hong-hoat, chiah ē-tàng chhut-kok kiau lâng pí-phēng.

Lâng kóng “bô hî, hê mā hó”, só-í góa chiah lâi kàu lî-khui Tân-ôan chiah-nih hñg ê Àu-Tē-Lī (Austria) chit-ê só-chāi. Chit-ê só-chāi thór-tē chin tōa, chin-chin chiàⁿ-chiàⁿ ê Àu-Tē-Lī ê jîn-kháu chin chió, lóng sî khò gōa-lâi ê bîn-chòk jîn-kháu lâi hû-chhî chit-ê kok-ka, tān-sî in ka-kî kok-ka ê lâng, hui-siông pâi-thiat gōa-kok-lâng, chin-chiàⁿ sî “Pûi-chúi bô hiòng gōa-kháu lâu, chhiú-óan bô hiòng gōa-kháu chhun”, chit-kù ëe iōng tī in ê seng-khu téng, sit-chāi bô kòe-hûn. Tī chia ê gōa-kok lâng lóng siū-tióh in ê khi-hû, iōng chióng-chióng ê lí-iû, phì-jû in ê bûn-hòa, pâi-thiat chióng-chòk ê bûn-tê, pâi-thiat tī hñg-hñg ê mñg-gōa, hō lâng bô hoat-tō seng-chûn, bô hoat-tō chìn-jip in ê siā-hõe.

Góa mā sī kāng-khóan bô lē-gōa, siū-tióh chit-khóan bô pêng-téng ê thāi-gû, hō góa tûi him-siān gōa-kok ê seng-óah chiām-chiām tām-hòa, múi 1-pái khòaⁿ-tióh gōeh-niû sî, lóng kám-kak sî 1-ê kih-kak ê gōeh-niû, hō lâng koh su-liām khí lán ka-kî chhù-lâi ê gōeh-niû, mā chin-chiàⁿ hiah-nih súi-tang-tang. Chhin-chhiûⁿ lán Tân-ôan chit-ê chiah sió ê hái-tó, tûi kòe-khì kàu hiān-chāi lóng siū-tióh gōa-pang lâng ê thóng-tī ap-pekk, lóng bô chhin-chhiûⁿ in Àu-Tî-Lî ê láu-peh-sèⁿ hiah-nih thôan-kiat, háp-kûn, chîn in ka-kî ê lèk-liōng, hù-chhut in ê it-seng.